

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৮৯৯০

খোয়াই, ২৮ ফেব্রুয়ারি, ২০২৪

রাজ্যের ৫০ হাজার মহিলাকে পোলট্রি ফার্ম গড়ে  
তোলার জন্য সহায়তা করা হবে : প্রাণীসম্পদ বিকাশমন্ত্রী

রাজ্যকে মাছ, মাংস, ডিম ও দুধ উৎপাদনে স্বয়ংসম্পূর্ণ করতে রাজ্য সরকার কাজ করে চলছে। এর পাশাপাশি মহিলাদের আত্মনির্ভর ও স্বশক্তিকরণ করার লক্ষ্যে আগামী অর্থবর্ষে রাজ্যের ৫০ হাজার মহিলাকে পোলট্রি ফার্ম গড়ে তোলার জন্য সহায়তা করা হবে। গতকাল কল্যাণপুরে নবনির্মিত প্রাণী চিকিৎসালয়ের দ্বিতীয় ভবনের দ্বারোদঘাটন করে এই কথা বলেন প্রাণীসম্পদ বিকাশমন্ত্রী সুধাংশু দাস। এই দ্বিতীয় ভবন নির্মাণে ব্যয় হয়েছে ৮১ লক্ষ ৮০ হাজার টাকা।

দ্বারোদঘাটন অনুষ্ঠানে বক্তব্য রাখতে গিয়ে প্রাণীসম্পদ বিকাশমন্ত্রী সুধাংশু দাস বলেন, বর্তমানে রাজ্যের গবাদি পশুদের বিভিন্ন রোগের হাত থেকে দূরে রাখার জন্য বছরে ২ থেকে ৩ বার টিকাকরণ করা হচ্ছে। জরুরিকালীন সময়ে গবাদি পশুদের চিকিৎসা পরিষেবা দেওয়া জন্য রাজ্যে বর্তমানে ১৩টি অ্যাম্বুলেন্স রয়েছে। রাজ্যের প্রাণীপালকদের উৎসাহিত করতে ইতিমধ্যেই চালু করা হয়েছে প্রাণীপালক সম্মান নিধি প্রকল্প। মাছের উৎপাদন বৃদ্ধির লক্ষ্যে পরিত্যক্ত জলাশয়গুলিকে পুনর্বিকাশের পরিকল্পনা নেওয়া হয়েছে। রাজ্য সরকার জনগণের কল্যাণে স্বচ্ছতা রেখে কাজ করে চলছে। অনুষ্ঠানে বক্তব্য রাখতে গিয়ে বিধায়ক পিনাকী দাস চৌধুরী বলেন, গ্রামীণ এলাকার উন্নয়ন ও বিকাশে সকলকে সন্মিলিত ভাবে এগিয়ে আসতে হবে। এদিনের অনুষ্ঠানে অন্যান্যদের মধ্যে উপস্থিত ছিলেন কল্যাণপুর বিএস'র চেয়ারম্যান ইন্দ্রনালী দেববর্মা ও ভাইস চেয়ারম্যান মিন্টু দেববর্মা, প্রধান সচিব বি এস মিশ্র, প্রাণীসম্পদ বিকাশ দপ্তরের আধিকর্তা ড. নীরজ কুমার চক্রবর্তী। অনুষ্ঠানে সভাপতিত্ব করেন কল্যাণপুর পঞ্চায়েত সমিতির চেয়ারম্যান সোমেন গোপ।

\*\*\*\*\*